

肥鄉縣志卷之十二

壇祠

禦災捍患馨香特肅夫明禋崇德報功祠宇曾留夫遺澤
凡民依之所繫皆祀典所不遺下以順乎輿情上以宣夫
德意讀書然後為學守土者甚勿忘社稷民人成民致力於
神將事者宜何如恪其震動志壇祠

社稷壇在北關外舊志小地九畝二分六厘

風雲雷雨山川壇在城西南一里舊志小地八畝六分四厘

先農壇在城西南正殿三楹兩廂各二楹雍正六年知縣李

夢說奉文建

肥鄉縣志

卷之十二

壇祠

厲壇在北關外舊志小地三畝三分五厘

城隍廟在縣西街

沿革有神記詳藝文

康熙四年淹沒雍正九年知

縣王建中即舊址創建乾隆三十八年知縣戴芬重修道

光元年知縣姜人烈擬建寢宮未果九年知縣查揆重修

工未畢調任去十年知縣汪玉海續修

有碑詳藝文

八蜡廟舊志在東門外久廢

劉猛將軍廟在城隍廟西南隅雍正二年總督李維鈞奏請

奉文建

將軍諱承忠元時吳川人父甲為順帝名將鎮江西承忠

官指揮平江淮盜有功返舟凱旋適蝗孽為災捕逐淨盡

又因民飢力不能救情極自沈于河有司聞于朝授猛將
軍之職

土地祠舊在縣治賓賓館東雍正九年知縣王建中改建縣
署儀門之東

馬神廟舊在城西南隅知縣萬廷措改建西門內滄沒雍正
九年知縣王建中改建縣署內西北隅

關帝廟雍正九年知縣王建中卽原址重建乾隆三十七年
知縣戴芬勸晉商重修有碑詳藝文嘉慶十二年道光十一年

重修皆晉商捐辦同治四年又復捐修有碑詳藝文
節孝祠雍正四年知縣王能任奉文勸項建于學宮東南隅

鹿鄉縣志 卷之十二 壇祠 二
舊射團原址祠三楹

忠義祠雍正四年知縣王能任奉文勸項建于學宮之舊東
廡十年知縣王建中因修 文廟移建東南隅祠三楹舊

祀李文靖公竇文正公同治二年知縣楊毓楠附祀陣亡
游擊史鵠殉難守備常奇珍

昭忠祠在關帝廟大門內東偏祠三楹同治二年知縣楊毓
楠爲陣亡團長團丁及遇害紳民建有記詳藝文

真武廟在北甕城內滄沒城復舊治改建于北城樓道光三
年因城樓傾圯知縣沈蓮生改建于北關同治元年鼎新
四城樓知縣楊毓楠仍安置舊地

增福廟縣治正南傍城面西向湮沒附祀城隍廟

魯班廟道光十年衆工人建有碑詳

蒼龍廟祀龍母及各龍神在文殊寺右藝文

藥王廟在文殊寺左

昭龍廟在西門內舊察院崇德書院舊址也乾隆四十九年

知縣完顏岱建有碑詳

三官廟舊在東甕城內湮沒後復舊治改建東門外同治二

年因有礙守禦知縣楊毓楠撤之五年又聽村民重建

火神廟在南門外不知所自始同治三年村民重修

漳河廟在城北隄上耆善修廟三楹知縣王建中增修墻壁

肥鄉縣志 卷之十二 三

成信侯廟在縣南城隍祀晉程嬰今地有碑詳

府志按隋圖註云今趙人數百家有祭祀輒設客位祀公

孫杵曰程嬰二人于趙有再造之功祀之宜也肥鄉趙地

有廟祀之固宜至立孤事在晉國距此千里而遠廣輿記

公孫杵曰程嬰皆太原人死葬忻州今以嬰爲肥鄉人無

可証據亦因廟附會耳舊志程嬰不入人物部而載其廟

碑云云姑兩存之

今按匿孤事傳聞已久不得以遠而疑之嬰非肥鄉人則

誠如府志今改入寓賢部

平原君廟在縣南八里廟三楹祀趙公子勝

白馬將軍廟在縣西白落堡祀唐將羅士信唐勅建

靖堡廟在縣西勒馬臺相傳唐衛國公李靖行雨地土人感

德祀之

府志邯鄲有李衛公廟在城東勒馬臺相傳李靖過此秋

毫無犯後人祀之名靖堡廟

此說較長

龍王廟在縣西北龍堂堡

城隍廟在舊清漳縣舊店營亦有廟移治時所建也

李文靖公祠在縣治西明知府秦氏愷建久廢

竇文正公祠在縣東十里城西村乾隆七年建同治元年教

諭趙文瀛重修六年又修圍墻六門康熙二十二年修墓

肥鄉縣志

卷之十二

壇祠

四

碑已撲於地移樹廊下